

聖濟總錄

吳錫璜著

已4

86245

大德重校聖濟總錄卷第一百八十

小兒明

小兒鼻艱塞

論曰肺氣通於鼻鼻和則知香臭小兒鼻艱塞者肺氣不利也肺主氣諸陽之氣上榮頭面其氣不和風冷乘虛客於腦與氣停滯搏於津液鼻道壅遏故為鼻艱塞

治小兒艱鼻黃連丸方

黃連去須一分艾葉炒

升麻各參分

防風去又半兩

朴消二兩

大黃劉炒參分

右六味搗為細末鍊蜜和更搗一二百下丸如菘豆大每服三五丸溫水下食後臨臥服隨兒大小加減

治小兒鼻塞不通利丹參膏方

丹參

細辛去苗葉

芎藭

當歸燭

桂去粗皮

防風去又各一兩

蜀椒去目并開口者炒出汗

乾薑炮各半兩

右八味剉如麻豆大豬脂五兩羊髓五兩與藥相和入銚子內慢火熬候藥

黃色取下絞去滓貯瓷器中每以大豆許內鼻中日三

治小兒顛氣虛腫鼻塞不通白芷膏方

白芷

細辛去苗葉

木通剉

當歸半兩切焙各

右四味剉如麻豆大以羊髓四兩與藥同入銚子內慢火熬候白芷黃成膏絞去滓貯瓷器中每用少許傅顛上兼內鼻中

治小兒鼻塞不通細辛膏方

細辛

去苗葉

木通剉

辛夷各一

杏仁

湯浸去皮尖雙入炒半兩

右四味剉如麻豆大以羊髓豬脂各三合同藥入銚子內慢火熬候色黃絞去滓瓷器中貯之塗鼻內

治小兒鼻艱不聞香臭龍腦散方

龍腦

研一字

瓜蒂杖十四

赤小豆粒

黃連

半錢

右四味先以三味為細散入研者藥和勻臨卧粟米許吹入鼻中少頃有清水出

治小兒鼻塞不通不能乳木香膏方

木香

零陵香各一

右二味為細末用醍醐三合與藥末同入銚子內煎成膏用塗頭上及鼻中如小豆許日再

治小兒鼻塞生肉細辛散方

細辛去苗葉 木通剉各兩

右二味為細散以綿纏裹大豆許內鼻中日再

治小兒鼻塞不通羊髓膏方

羊髓 薰陸香各參兩

右二味於銚子中慢火熬成膏去滓入瓷器中盛貯以膏摩背候鼻通為効

小兒鼻多濁涕

論曰人之津液涕唾得熱則燥涸得冷則流溢小兒因解脫不時風冷傷於肺經或冷中顛戶皆令免涕液不收蓋肺氣通於鼻腦液下通於鼻故也

治小兒鼻多濁涕菊花湯方

甘菊花擇 甘草炙各一分 防風去毛 山茱萸枚

右四味粗擣篩每一錢匕水一盞煎至六分去滓分溫三服早晨日午晚後

各一更量大小加減

治小兒肺傷冷鼻流濁涕前胡橘皮湯方

前胡去蘆

陳橘皮湯浸去白

白茯苓去黑皮 桂皮去粗

白朮

人參

細辛去苗

甘草炙各一分

右八味粗搗篩每服一錢匕水一盞煎至五分去滓溫服日三隨兒大加減

治小兒腦戶傷風冷鼻多濁涕精神昏悶防風湯方

防風去

甘菊花擇

白朮

人參

細辛去苗

白茯苓去黑皮

甘草炙剉各一分

右七味粗搗篩每服一錢匕水一盞入生薑少許同煎至五分去滓溫服不

拘時更量大小加減

治小兒鼻塞多涕杏人膏方

杏人湯浸去皮尖

蜀椒去目并開口

附子炮裂去皮臍

細辛去苗各一分

右四味除椒外剉如麻豆大以醋五合漬藥一宿明旦以豬脂半斤與藥相

和入銚子內慢火同熬候附子黃成膏去滓取出貯瓷器內放冷取塗鼻中

兼摩頂上日三五度

治小兒肺寒鼻多濁涕精神不爽不思乳食通肺湯方

人參

前胡去蘆

細辛去苗葉

杏人湯浸去皮尖

桂皮去粗皮

甘草炙各一分

右六味粗搗篩每服一錢匕水一盞入生薑少許棗一枚擘破煎至五分去

滓溫服不拘時量大小加減

治小兒風冷傷顛鼻塞多涕細辛膏塗方

細辛末一兩

麻油合

右二味以油煎細辛令微黑入蠟半兩候消令凝每日薄塗顛上日三易

小兒腦熱鼻乾無涕

論曰肺氣通於鼻鼻上通於腦腦髓下滲而為涕故涕為肺之液而其出從鼻

小兒肺藏壅滯內有積熱上攻於腦津液內涸故令鼻乾無涕也

治小兒腦熱鼻乾無涕升麻丸方

升麻

防風去

梔子人酪半

右三味搗羅為末青羊腦髓和丸如麻子大一二歲每服三丸溫熱水研化

下食後午時臨臥各一量兒大小加減

治小兒腦熱鼻乾燥常閉目黃芩湯方

黃芩法黑

青箱子

大黃剉炒各

蜀漆

甘草炙各

右五味粗搗篩五六歲兒每服一錢匕水一盞煎至五分去滓放溫食後日

二服量大小加減

治小兒腦熱鼻乾無涕茯神湯方

茯神法木

栝樓根

麥門冬法心各

黃耆剉半

生乾地黃洗焙

酸棗人兩炒半

羌活法頭

葛根剉

羚羊角剉各

右九味粗搗篩每服一錢匕水七分浸藥良久煎至四分去滓放溫服日三

食後良久

治小兒腦熱鼻乾無涕藁本湯方

藁本法剉

牡蠣

羚羊角剉

防風法兩各

芍藥

菊花法葉

細辛法葉苗

白朮

人參

芎藭法苗

白蒺藜法微

山梔子人

白茯苓法黑破

甘草法各半兩

黃芩法黑心

右一十四味粗搗篩每服一錢匕水七分入青竹葉五片同煎至四分去滓

澄清放溫細呷食後日再

治小兒腦熱鼻乾無涕犀角散方

犀角銹半兩

升麻

惡實微炒各一兩

麥門冬焙心

茯神去木

百合

桑根白皮炙

大黃炒

苡苡去苗

山梔子人

枳殼去氣麩炒各半兩

甘草炙

桔梗炒

黃芩去黑心各一分

右一十四味粗搗篩每服一錢匕水七分煎至四分去滓放溫食後臨卧服

治小兒腦熱肺壅鼻乾無涕喘息不得苡苡煎方

苡苡去苗

甘草炙

木通剉

紫苑去苗土

麻黃去根節湯煮掠去沫

五味子

大青

乾百合各一兩半款冬花

藍葉

人參

赤茯苓去黑皮

大黃剉半兩

酥斤

蜜煉熟去白沫一斤

右一十五味除酥蜜外細剉水七升慢火煎至三升去滓入酥蜜同熬成煎

瓷器盛五六歲兒食後溫熱水調下一錢匕日三看病輕重量大小加減

治小兒腦熱鼻乾無涕大黃湯方

大黃炒

苡苡去苗

防風去

甘草炙各

右四味粗搗篩每服一錢匕水七分煎至三分去滓放溫食後臨卧各一服

量兒大小加減

治小兒腦熱黃瘦黃連汁方

黃連兩半

右一味粗搗為末童子小便一盞浸一宿每日取清汁半合服之量大小加減
治小兒鼻乾身熱韭根汁方

韭根

右一味搗取汁澄清兩鼻孔各滴如黑豆許勿多多則有毒

治小兒腦熱鼻乾白礬塗方

白礬性

黃米粉略一

右二味每用一錢已清水半合調如泥塗腦上日三

小兒多涕

論曰鼻之氣有出入則界內已而復出出則界外已而復入肺開竅於鼻
肺氣不和風冷乘之使氣道過而不通則風冷與氣上界蒸而為液其液復界
於下故令鼻多涕

治小兒肺寒鼻多清涕精神不爽減乳食人參湯方

人參

前胡去蘆

細辛去苗

桂去粗

杏仁

湯浸去皮尖
雙人楚炒

甘草一分

炙剉各

右六味粗搗篩每服一錢匕水半盞入生薑少許棗一枚擘破煎至三分去滓溫服不拘時更量兒大小加減

治小兒肺藏傷冷鼻流清涕前胡湯方

前胡去蘆

陳橘皮

湯浸去白焙各半兩

白茯苓

去黑皮

桂去粗皮

白朮

人參

甘草

炙

細辛

去苗葉一分

右八味粗搗篩每服一錢匕水半盞煎至三分去滓溫服日三更隨兒大小

加減

治小兒腦戶傷於風冷鼻內多涕精神昏悶甘菊花湯方

甘菊花

白朮

細辛去苗葉

白茯苓

去黑皮

防風去

人參

甘草

炙剉各一兩

右七味粗搗篩每服一錢匕水半盞入生薑少許煎至三分去滓溫服不拘

時更量大小加減

治小兒風傷顛倒致鼻塞不通塗顛方

麻油合

細辛末

兩

右二味同煎微黑色入蠟半兩鎔化停凝每日三度薄塗之

小兒喉痺

論曰喉痺之病喉中腫塞痺痛水飲不下呼吸有妨寒熱往來得之風熱客於脾肺熏發咽喉小兒純陽尤多是疾若不速治毒邪入心則煩悶懊懷立致危殆治小兒喉痺由脾肺蘊熱血氣結塞慎勿刺破但以此方治之木通湯方

木通兩一

升麻分一

大黃一分

麻黃一分

犀角分一

石膏

碎半

甘草

分一

右七味粗搗篩每二錢匕水一盞煎至七分去滓下朴消末一錢匕攪勻再煎一二沸分溫二服早食後臨臥各一服五歲已上以意加之

治喉痺水漿不下備急三物丸方

大黃剉

乾薑

炮

巴豆

去皮心別

右三味等分先搗二味為細末入巴豆再研鍊蜜丸如棗豆大每服三丸溫水下取利為度

治小兒喉痺咽喉傍腫如癰子身體壯熱如不作顯結空氣急喉中噎塞即是肺脹犀角湯方

犀角銹屑

射干兩一

桔梗炒

絡石

升麻

甘草炙

山梔子人各一分

右七味粗搗篩每二錢匕以水一盞煎至六分去滓下朴消末半錢匕攪令勻分溫三服早晨日午臨臥各一

治小兒喉痺咽喉傍腫如癰子身體壯熱如不作顯結空氣急喉中喧塞即是肺脹射干湯方

射干

升麻

百合

木通剉

桔梗炒

甘草炙各一分

右六味粗搗篩每用一錢匕以水七分煎至四分去滓下馬牙消末半錢匕攪勻食後細細溫呷

治小兒喉痺痛咽塞不利羚羊角湯方

羚羊角劈分升麻分

射干

陳橘皮湯浸去白白藥兩

右五味粗搗篩每一錢匕以水七分煎至四分去滓分溫二服早晨日午夜臥各一五歲已上以意加減

治小兒喉痺上焦積熱壅毒天竺散方

天竺黃

馬牙消

甘草炙各兩

蛤粉白醋

丹砂研一分

右五味搗研為細散每服半錢匕取新汲水揉薄荷相和入龍腦少許量兒大小湯化服之食後臨臥

治小兒喉痺咽喉傍腫喉中噎塞麻黃湯方

麻黃去根節桂去粗皮射干一分杏仁湯浸去皮尖

右四味粗搗篩每一錢匕以水七分煎至四分去滓食後分溫二服

治小兒走馬喉痺白礬散方

白礬煨焙研消石研雄黃研各一分苦參末

右四味同研為細散每服半錢匕冷水調下併三服

治小兒喉痺馬蘭湯方

馬蘭子炒升麻各一分

右二味粗搗篩每一錢匕水半盞煎至三分去滓下白蜜少許攪勻分溫二

服如無馬蘭子即用根少許入水搗絞取汁細呷

治小兒喉痺方

葛蔓

右一味燒為灰水服一錢匕

治小兒喉痺方

棘刺

右一味燒灰水調服半錢匕

又方

魚膽二七枚

右一味以竈下黄土同研塗吹喉中立差

小兒重舌

論曰小兒重舌者舌本之下或如臥蠶亦如小舌之狀此由心脾二藏壅熱所致蓋心主舌脾之絡脉連舌本散舌下故二藏有熱熱隨脉上至於舌本之下血脉脹起變生重舌宜急治之刺法中論刺舌下兩邊出血後以藥治之不然即滿口塞喉便致危殆

治心脾經為邪熱所客重舌腫脹語聲不出水飲不下三物備急丸方

大黃炒

乾薑炮

巴豆去皮心膜各等分

右三味搗研為末鍊蜜丸如菘豆大每服五丸溫水下大便利為度

治小兒重舌舌強不能收唾鹿角散方

小兒門

鹿角末一兩

右一味每用少許傅舌上日三度

治小兒重舌口中生瘡涎出桂礬傅方

桂去粗皮一分

白礬燒令汁盡半分

右二味搗研為末乾傅舌上日三

又方

蒲黃

露蜂房各一分白魚燒灰一錢

右三味都研令勻用酒少許調傅重舌上日三

治小兒重舌蛇蛻皮方

右取蛇蛻皮燒作灰塗舌下一法以醋調鵝毛掠舌下愈

又方

右以烏賊魚骨燒灰和雞子黃塗喉及舌上差

又方

右取黃蘗以竹瀝漬取汁細細點口中良

又方

右以嚼粟哺之差

治重舌衣魚散方

右取衣魚燒作灰傳舌上

治小兒重舌口中瘡涎出蒲黃傳方

右以蒲黃傳舌上不過三次愈

治小兒重舌欲死者方

右取亂髮燒灰傳舌下良

治小兒重舌木蘭皮方

右取木蘭皮一尺廣四寸削去粗皮細剉以苦酒一升煮取半升適寒溫漬
兩手食頃間小渴須臾乾復漬兩足出乾復漬大良

治小兒重舌方

右燒甌帶灰傳之

又方

右取桑汁塗乳飲之

小兒木舌

論曰小兒木舌者以心氣蘊熱熱氣隨脉上至於舌則血脉脹起漸漸腫大滿口塞喉若不急治便致危殆經云畜則腫熱砭射之也先宜砭射後以藥治之

治小兒木舌腫脹滿塞口中三物備急丸方
大黃剉炒 巴豆去心皮研 乾薑炮各等分

右三味搗研為末鍊蜜為丸如菘豆大每服五丸溫水下大便利為度

治小兒木舌紫雪散方

紫雪一分研 竹瀝

右二味每用紫雪一字竹瀝少許調服一日四五服

治小兒木舌方

衣中白魚五枚 朴消一分研 鹽半錢

右三味搗研為細末每用少許傅舌上

治小兒木舌長大鯉魚貼方

鯉魚一枚去骨切肉作片

右一味將魚肉貼於舌上以線繫定

治小兒木舌長大蓬砂散方

蓬砂研

甘草各兩

白芷二錢

白藥子二兩

蒲黃一兩

右五味搗研為散每服半錢匕薄荷煎湯入蜜少許調下食後服三歲已上每服一錢匕

治小兒木舌日漸長大滿塞口中人參散方

人參兩

白茯苓去黑皮二兩

甘草一兩

白藥子二兩

白朮一兩

槐花

白芷各半兩

右七味搗羅為散用薄荷汁調如糊塗舌上嚥下不妨不拘時用如患重舌亦可服

小兒燕口瘡

論曰小兒燕口瘡者口吻兩際瘡生如燕口世亦謂之肥瘡此由脾胃客熱上衝口脣熏發為瘡或者以燕泥傅之甚良蓋治之以其意也

治小兒燕口瘡石膽散方

石膽研半兩

龍腦研少許

右二味共研勻以少許塗瘡上差

治小兒燕口瘡胡粉散方

胡粉

炒研一分

黃連末

兩

右二味同研勻以少許傅瘡上

治小兒燕口及口内生瘡方

殺羊髭

燒灰

右一味研細以臘月豬脂和日三四上塗之

又方

雞臆脰黃皮

不以多燒灰

右一味研為末以乳汁調半錢已服之日三

治小兒心藏虛熱生燕口瘡方

柘木根

右一味以水三盞煎取半盞去滓用汁塗瘡上不拘度數以差為止

治小兒燕口黃肥瘡方

右取殺羊角燒灰和臘月豬脂傅之差

治小兒燕口黃肥瘡方

右取燕窠土一分入麝香半錢研勻臨臥傅之

治小兒燕口黃肥瘡方

右燒亂髮一分為灰研細和豬脂塗之差

治小兒燕口瘡蘼皮散方

右用黃蘼皮為末煎汗調塗傳瘡上差

小兒口瘡

論曰小兒口瘡者由血氣盛實心脾蘊熱薰發上焦故口生瘡蓋小兒純陽易生熱疾或衣服過厚飲食多熱血脉壅盛皆致此疾

治小兒口瘡一捻散方

青黛

黃蘼皮去粗

訶梨勒炮去核

蜜陀僧

右四味等分搗研為散取一捻糝舌上如喉咽內有瘡亦糝喉中微微嚥津

治小兒口瘡紫金散方

黃蘼

如兩指面大二片去粗皮塗蜜炙令紫

訶梨勒煨去核

麝香研少

膩粉

研少

右四味搗羅為散每服一字許糝舌上立差

治小兒口瘡寒水石散方

寒水石

一分燒通赤地上一宿出火毒

白礬

熬令汁枯一分鉛白霜一分

右三味研為散每用少許糝口瘡上食後臨臥以差為度嚙津無妨

治小兒口瘡香白芷散方

香白芷兩半 鹽綠錢 五倍子分 麝香許

右四味搗研為細散每用一字糝瘡上

治小兒口瘡蓬砂散方

蓬砂研 礬蝴蝶研 蜜陀僧各半

右三味用生蜜四兩與藥同熬紫色以新汲水冰冷瓷合盛每用以雞翎傳之

治小兒口瘡鉛丹煎方

鉛丹兩半 蜜陀僧兩半 白蜜兩四

右三味先以蜜於甄子內煎令沸下鉛丹同煎令紫色次下蜜陀僧攪令勻

成煎於瓷合盛每用小豆大嚙津

治小兒口瘡蚘蛇膽散方

蚘蛇膽研一分 石膽研一分 龍腦分

右三味同研細每用一字塗瘡上日三五次

治小兒口瘡大青湯方

大青參 黃連去煩參分

右二味粗搗篩每服半錢已以水半盞煎至二分去滓食後服

治小兒口瘡地黃湯方

生地黃汁 桑根白皮汁各一

右二味入蜜半合同煎十餘沸每服二分日三

治小兒口瘡黃蘗膏方

黃蘗去粗皮壹分 大豆合

右二味粗搗篩以水一盞煎至二合去滓重煎如錫入少許龍腦研和塗傅

治小兒口瘡爛頰神驗散方

寒食麩錢五 消石錢七

右二味同研遇夜新水調藥半錢七塗在紙花子上男左女右貼脚心

治小兒口瘡蛇蛻拭方

右取蛇蛻水漬令濕輒拭口內瘡一兩度即差

治小兒口瘡蟾蜍散方

蟾蜍一枚炙 蠟一分

小兒口瘡

右一味搗羅為散每用一字傅瘡上

治小兒口瘡牛膝酒方

牛膝一兩切

右以清酒二盞煎至七分去渣分溫三服日二以差為度

治小兒口瘡蠶蛾散方

晚蠶蛾一兩

右搗羅為散每用一字傅口瘡日三兩次

治小兒口瘡赤爛羊乳飲方

右取羊乳五合冷點口中不過三兩上差

治小兒口瘡赤爛赤葵散方

赤葵莖焙乾半兩

右搗羅為散每用一字蜜調塗之

治小兒口瘡赤爛亂髮拭方

右以父母亂髮淨洗纏桃枝蘸井華水東向以拭口中

治小兒口瘡滿口如浸餅起者貝母散方

貝母去心
二兩

右一味為散先煮麩撥粥七箇抱孩兒門限內坐將逐箇撥粥搥兒口內瘡了棄門限外令犬喫使以藥末半錢水五分蜜少許煎三分冷與服仍以藥糝貼每日用三四次即差

治小兒口生白瘡桑汁塗方

桑根白皮汁

右以塗兒瘡口即差

治口瘡舌靛言語不得方

白礬燒令汁盡 桂去粗皮
各一兩

右二味搗研為末糝舌上即差

治小兒口瘡馬芹塗方

馬芹子汁

右先揩瘡上血出塗藥日三次驗

大德重校聖濟總錄卷第一百八十

大德重校聖濟總錄卷第一百八十一

小兒明

小兒語遲

論曰心為言肝為語其經屬手少陰足厥陰其氣上通於舌舌者聲之機若稟受之初母懷驚怖則子之心火不足而肝木弱故令機關不利氣不宣揚而語遲甚者有經數歲不能言者

治小兒心氣不足舌本無力語遲芍藥湯方

赤芍藥兩一

黃耆劉參分

犀角鎊

檳榔劉

甘草炙各半兩

右五味粗搗篩每服一錢匕水一小盞煎至五分去滓量兒大小不計時候加減溫服

治小兒諸病後六七歲不能語雞頭丸方

雄雞頭燒灰一枚

鳴蟬去翅足炒參枝

甘草炙半兩

大黃炒

麥明冬去心焙各一兩半

當歸焙切

黃耆劉

芍藥各參分

遠志心法

木通劉各半兩

人參兩一

右一十一味搗羅為末鍊蜜丸如菘豆大每服以粥飲下五丸至七丸量兒

大小加減不計時候

治小兒五六歲不語菖蒲丸方

菖蒲

人參

黃連去須各兩丹參

赤石脂各分

天門冬焙心麥門冬各心焙

右七味搗羅為末鍊蜜丸如菴豆大每服五七丸溫水下不拘時候日三量

兒大小以意加減

小兒齒不生

論曰牙齒者是骨之所終髓之所養手陽明足太陽之脉並入於齒若血氣充實則骨髓強盛雖其齒損落猶能更生也若虛弱者血氣衰耗風冷乘之致令齒久不生假令生者或齩或蟲落不能復生也

治小兒齒不生或因落不生方

牛糞中黑豆

右一味取二七枚小開去頭上皮此豆頭開處注齒根上時時用之當効

治小兒牙齒不生方

雄鼠糞二七粒

右一味每日用糞一枚齒根上拭至二十一日其齒當生

又方

道傍道穠粒

右一味於齒落處點三七下其齒自生

治小兒齒不生無問遠近皆得便生神効方

雄雞糞二十七枚頭尖者

雌雞糞二十七枚頭圓者

右二味燒灰存性先用鍼挑開齒斷上以雞糞灰點之

小兒咽喉諸病

論曰咽喉者肺脾經所主也小兒肺脾有熱蘊積上焦熏發喉間故令咽喉赤腫吞吐不利或塞或壅憎寒壯熱効嗽痰涎是其候也昔人謂藏熱則咽喉腫而閉塞豈虛言哉

治小兒咽喉中鳴効嗽喘急款冬花丸方

款冬花

甘草炙

紫苑去苗土

麻黃去根焙乾各半兩節煎去沫

貝母炒

麥門冬去心焙各參分

右六味搗羅為細末鍊蜜丸如菜豆大每服三丸至五丸食後米飲下五歲

已上以意加之日三

治小兒咽喉舌腫脹咽氣不利朴消散方

朴消分 衣中白魚炒參 鹽少

右三味搗研為細散每服以指搵少許在舌下

治小兒咽喉項腫啼聲不出牛黃散方

牛黃研半 代赭兩 麝香研半 玄參分 厚朴去粗皮生薑

升麻兩 射干兩 大黃兩一分 木香分 白木兩

犀角銹屑 甘草兩

右一十二味搗羅十味為細散入研藥和勻每服半錢匕以人乳汁一蛤蜊

殼許調下空腹日一服三歲至五歲以上每服一錢匕棗湯調下米飲亦得

日再

治小兒咽喉中鳴欬嗽痰壅牽牛散方

牽牛子炒半生半 杏仁去皮尖 甘草炙 吳茱萸湯洗焙 陳橘皮去白焙

右五味搗羅為細散每服半錢匕空腹以沸湯調下微利出惡物即差量兒

大小加減服

治小兒咽喉腫熱肺脹氣急喉中似有物塞麻黃湯方

麻黃去根節煎
去沫焙乾

桑根白皮剉
桂各半兩

大黃生

射干

杏仁湯浸去皮尖
雙入各一分

右六味粗搗篩每服一錢匕以水半盞煎至三分去滓溫服

治小兒咽喉腫脹咽氣不利黃蘗湯方

黃蘗去粗皮
蜜炙甘草炙各
一分

右二味粗搗篩每一錢匕以水半盞煎至三四分去滓溫服不計時候

治小兒熱病口爛咽喉生瘡水漿不下當歸膏方

當歸去蘆頭
剉炒射干剉

升麻剉各
一兩

白蜜四
合

附子半兩炮去
皮臍剉

右五味切以豬脂四兩先煎成油後內諸藥入於油中用文火熬令附子黃色瀝去滓投蜜更熬一兩沸成膏以瓷器收每取杏人大含化嚥津無妨日

三四用之

治小兒咽喉腫痛毒氣熱極咽塞不利生薑湯方

生薑二兩
切

升麻剉
二兩

射干剉
二兩

陳橘皮一兩湯
浸去白

右四味剉如麻豆每服三錢匕水一盞煎至七分去滓溫服

治小兒咽喉腫痛壯熱躁渴不止升麻湯方

升麻 射干 大黃半兩 各

右三味粗搗篩每一錢匕水半盞煎至四分去滓分溫二服早晨日午各一

治小兒膈熱脣口生瘡咽喉腫痛玉芝散方

甘草劉作半寸許 湯浸一日 微炒 石膏研如粉 各一兩 藿香葉兩半 山梔子去皮 微炒 二兩

右四味搗研為細散每服半錢匕以新汲水調下量兒大小加減服

治小兒風熱咽喉腫塞生瘡搖頭煩悶及蟲咬心痛龍腦丸方

龍腦研半錢 白礬銚子內鍊 澆汗 盡汁為度 研 玄明粉一錢 蟬殼參十枚 去足 炒 研末

牛黃研半錢 蛇蛻皮一條長二尺 鐵器上 焙焦 研為末

右六味再一處細研入沙糖少許和丸如梧桐子大冷水化破一丸服之

治小兒咽喉腫痛苦藥子散方

苦藥子 白殭蠶等分

右二味搗為細散每服半錢匕白礬水調下量兒大小加減

治小兒忽腫毒著咽喉露蜂房散方

露蜂房燒 灰 白殭蠶各一分

右二味細研每服半錢已用乳香湯調下看兒大小以意加減

治小兒喉痺血氣結塞慎勿刺破但與藥通利升麻湯方

升麻

木通剉

大黃生

麻黃祛根節一分犀角鎊

石膏碎

甘草生剉各半兩

朴消研一兩

右八味粗擣篩每二錢已水一盞煎至七分去滓量大小分減服

小兒誤吞物

論曰小兒多以珠璣錢鏤之類為玩弄之具或藏於口中因驚或啼遂誤吞燕倉卒不得出為害亦大當隨物所宜以方術治之

治小兒誤吞錢在喉中不下方

麩炭研為末

右一味以指彈少許入喉中少頃自吐出一方用羊脰炭研細為末

治小兒誤吞針方

磁石一塊小彈子大吸鐵鑿者

右一味入口內吸令鍼出或絲繫定送咽喉引出亦得

治小兒誤吞鈎繩方

右凡吞釣繩猶在手者莫伸引俱以珠璫若穿了蓋以子之類就其繩穿稍
稍推至鈎畔即急推前入繞鈎離刺處復緩緩引出

治小兒誤吞珠璫方

右燒銅弩弁令赤淬水一椀旋飲其物即出

治小兒誤吞銀鐶及釵方

右以鉛糖隨兒大小多少食之若能多食釵鐶即隨出

治小兒誤吞髮方

右用木梳燒灰細研粥飲調下半錢匕不下再服

治小兒誤吞梅李核方

右以溫水旋從小兒頭淋下却接其水與兒飲之

治小兒誤吞鐶方

右以鵝毛半兩燒灰細研米飲調下半錢未効再服

小兒緊脣

論曰脾主肉其華在脣脾胃有熱熏發於口則令脣際生瘡又為風邪寒濕之
氣搏於腫處故焮結不消濕爛汁出時發時差積久不愈謂之緊脣瘡又名瀉

脣也

治小兒脣瘡未已復被風冷所搏瘡口濕腫此名緊脣順脾散方

山芋兩

人參炒

桂去粗皮

木香兩

甘草炙

白朮各一

訶梨勒炮去核

肉豆蔻炮去殼

白茯苓皮去黑

黃耆剉各

白芷分

右一十一味搗羅為散每服半錢已沸湯點服量兒大小加減

治小兒緊脣瘡二鉛散傳方

鉛丹分

鉛霜研半

蛤粉研

晚蠶蛾微炒各

麝香研一

右五味各為散用蜜合調傳瘡上

治小兒緊脣瘡腫皮急黃連散傳方

黃連去須

黃蘗去粗

甘草生

凝水石碎各
欖榔生
一分

右五味搗羅為散用蜜調傳脣上頻換為効

治小兒緊脣及脾熱攻脣瘡腫烏蛇散傳方

烏蛇燒

右一味細研以酥和傳脣上頻換為効

治小兒脣瘡白及膏傳方

白及

白斂

白蠟各一兩

黃耆剉

乳香研

牡丹皮

芍藥

丁香各一

麻油二兩

右九味除油蠟外並細剉先煎麻油令沸次入前項藥以柳木枝不住手攪綿濾過去滓再煎入蠟膏成入銀石器中盛候冷不拘多少取傳瘡上

治小兒脣瘡不合龍膽丸方

龍膽

大黃剉微炒 人參各一分

梔子人

朴消

郁李人去皮別研

茵陳蒿分

右七味搗羅為末鍊蜜和丸如麻子大每服五丸至七丸溫水下量兒大小

加減

治小兒脣瘡方

黃蘗去粗皮為細末

右一味濃煎薔薇根汁調塗瘡上立効

治小兒脣生瘡方

桑根白皮細切

右一味搗取汁塗瘡上大効

治小兒脣瘡方

藍葉細切

右一味研取汁洗之日三上差

小兒涎液不收

論曰小兒因氣不升降膈腕否滯致令乳飲不化流入胃中隨氣上溢故令多

涎其候胸滿短氣飲食遲化內經謂脾為涎當調脾胃升降其氣則病可愈

治小兒脾風多涎心胸壅悶不下乳食昏昏多睡鉛霜散方

鉛霜研

牛黃研

半夏生薑汁製焙乾

龍腦研各半分

白附子炮

馬牙消研

防風義法

丹砂研

天竺黃研

犀角屑

細辛去苗葉

黃芩義法黑心

甘草炙剉各一分

右一十三味搗研為散再同研勻每服一字用生薑蜜溫水調下更量兒大

小以意加減不計時候

治小兒脾肺風熱膈上多涎心神昏悶少欲乳食防風湯方

防風義法

羚羊角屑

黃芩義法黑心

人參

枳殼去穢炒

甘草一分 剉各半夏半分 生薑汁製焙乾

右七味粗搗篩每一錢匕水八分入生薑少許煎至五分去滓不計時候量

丸大小分減温服

治小兒脾熱乳食不下胸膈多涎半夏丸方

半夏半分 生薑湯洗七遍去滑皂莢子人兩半

右二味搗羅為末用生薑汁和丸如麻子大不計時候以温水下三丸隨兒

大小以意加減

治小兒脾胃氣不升降氣溢於上涎液不收半夏丸方

半夏微炒 一兩白礬生研 半兩

右二味先以半夏為細末再入白礬和勻麩糊和丸如粟米大每服五七丸

量輕重加減食後臨卧生薑湯下

治小兒胃氣上溢氣不升降涎液不收清膈降氣丸方

牛房子 梔子人 甘草尖剉 赤微 川消 鬱金紀上各 半兩

枳殼微黃去瓢 一分 麩炒 龍腦研 半兩

右七味搗羅為末麩糊和為丸如麻子大用薄荷水化下二丸至三丸不計

時候量兜大小加減服之

治小兒脾熱乳食不下胸膈痞悶涎溢不收桑白汁方

新桑根白皮不以多細到

右一味取自然汁塗於兜口內立効如無新桑根白皮取乾桑根白皮一兩

細剉用水一盞煎至半盞放溫塗兜口內極妙

小兒胎赤眼

論曰小兒眼胎赤者是初生洗目不淨令穢汁浸漬於眇中使驗赤爛至大不

差故云胎赤眼也

治小兒胎赤皆爛黃連丸方

黃連去頰一兩

防風去法

龍膽去法

大黃剉

細辛去苗葉各半兩

右五味搗羅為末鍊蜜丸如菉豆大每服五丸至七丸溫熟水下日三更量

兜大小加減

治小兒眼胎赤風毒所攻腫痛升麻湯方

升麻

黃耆剉

玄參

甘草炙各半兩

犀角屑

防風去法

麩人湯浸去皮研各一分

右七味粗搗篩每錢七以水七分煎至四分去滓分温二服更量兒大小加減
治小兒眼胎赤腫痛上焦壅熱麥明冬湯方

麥明冬祛心 犀角屑 芒消 防風祛 甘草半兩 旋覆花分

右六味粗搗篩每一錢七水七分煎至四分去滓量兒大小分減温服日四五

治小兒眼胎赤久不差牛黃丸方

牛黃細研一分 黃連半兩 決明子分 麩人一分湯浸去皮 犀角屑兩 龍腦細研一錢

右六味搗羅為末鍊蜜和丸如麻子大每服以温水下五丸日三四服更量

兒大小以意加減

治小兒眼胎赤及生瘡怕見風日方

龍腦細研錢 麩人一分湯浸去皮 杏人一兩湯浸去皮

右三味滴少水都細研如乳汁每日三四度點之

治小兒眼胎赤痒痛方

龍腦半錢細研 桑葉五兩燒作灰

右二味水一升半先煎桑葉灰取半升綿濾去滓後入龍腦攪令勻日

三四上少點

治小兒眼胎赤龍腦煎方

龍腦錢

鹽綠兩半

麩人湯浸去皮一分

右三味都研令極細以蜜調似面脂用點眼日三兩上

治小兒眼胎風赤爛不以年月發歇視物淚出溢痛不可忍黃連膏方

黃連

去須搗

盧會

研一分

龍腦

別研一錢

右三味先將黃連盧會搗研羅為末以新綿裹用水一盞於銀器中以重湯

煮候藥汁三分減二即去藥綿入龍腦攪勻以瓷瓶收每日三兩上點之

治小兒眼胎赤兼有翳膜杏人膏方

杏人

去皮夫雙人研如膏一兩

膩粉錢

鹽綠

黃連末各一

右四味同研極細以真酥調如膏攤於銅椀內以熟艾如雞子大極小坑子

燒艾烟出使覆銅椀熏之勿令氣洩候烟盡更研令勻每取少許以綿裹用

人乳汁浸一宿日三四度點之

治小兒眼胎赤經年月深遠者銅青散方

銅青

膩粉

各一錢

龍腦

半錢

乾地龍

一條去末

右四味同研極細每用半小豆許點目皆日一兩度

小兒斑瘡入眼

論曰小兒脾肺壅熱或緣時氣溫病表裏俱虛邪毒發於肌表致生斑豆甚者
偏體斑如毒瑣頭作燥漿毒氣炎盛上攻眼目發於睛輪先須於臉膚上用藥
貼熯次可調利脾肺切不可用藥點眼點藥則令斑瘡潰爛穿壞睛輪不可不慎也
治小兒斑瘡入眼連翹散方

連翹法

芎藭

黃蘗

法粗皮

胡麻

去油

甘草

炙參

右五味搗羅為散用白湯調放冷食後服五歲以下半錢五歲以上一錢如
眼內有白丁子者不日退去

治小兒熱盛攻眼及斑瘡入眼井泉石散方

井泉石

為末再過蟬殼法

蛇蛻皮

炙

甘草

炙各兩

右四味搗研羅為散每服半錢至一錢已蜜水調下

治小兒斑瘡入眼柳絮散方

柳絮

穀精草

石決明

夜明砂

各等分

右四味搗羅為散每服一錢已積豬肝一片批開摻藥在內以線子扎定米
泔一大盞煮至五分取出乘熱以湯熏眼良久服之日一服

治小兒斑瘡入眼生翳膜遮睛烏龍散方

烏龍骨

貝齒

豬指甲各一兩

右三味同入沙合子內用鹽泥固濟令乾燒通赤為度取出細研每服半錢
七用羊子肝一具批開搽藥在內麻纒扎定粟米泔一盞煮熟為度細嚼米
飲下

治小兒斑瘡入眼成胞瘡如聖散方

蛇蛻皮尺

皂子十四枚

馬勃分

右三味以蛇皮裹皂子更用馬勃裹蛇皮入罐子中瓦蓋黃泥裹合暴乾炭
火煨候烟欲斷即止取出油單貼入地中出火毒一宿研細入麝香少許再
研每服半錢七葱湯調下日三服忘一切發眼物

治小兒斑瘡入眼及生翳通聖散方

白菊花

如無用甘菊花代

菜豆皮

穀精草各一兩

右三味搗羅為散每服一錢已用乾柿一枚生粟米泔一盞與藥同煎水盡
為度只喫乾柿一日可二服不計時候若患十日已裏三五服即差一月已
裏十數服差

治豆瘡子入眼妙應散方

蛇蛻皮兩 蟬殼二枚

右二味用罐子泥固濟暴乾火斷過地上出火毒一宿研為末蜜水調下一字已食後日三

治小兒出瘡子後眼内生青膜翳暈蛤粉散方

蛤粉一分 甘草一分

右二味將甘草搗羅為末與蛤粉同研令勻每服一錢匕新汲水調下不拘時候

治小兒斑瘡入眼成白膜但不作丁子者服之必効蝶蛸散方

桑蝶蛸兩 麝香少許

右二味搗研為細散每服一錢半匕生米泔調下臨卧服

治小兒瘡疹入眼成翳膜蟬殼湯方

蟬殼 羊子肝

右二味搗羅為末每服二錢匕用水煎羊子肝湯調下日三

治小兒斑疹入眼生翳膜方

穀精草

細蛤粉已上各一兩

右二味搗研為細末每用一錢匕豬肝二兩批開摻藥在內捲了用青竹葉裹麻縷扎定水一碗煮令熟入收口瓷瓶內薰眼後取肝食之服不過十日必差日二

治小兒斑瘡入眼輕粉散方

輕粉一兩用銀器內炒令黑色

右一味如患左眼用紙撚纏左耳右耳亦如之以填滿為度如耳根痛其膜自落

小兒眼生翳膜

論曰眼者肝之候也五藏六府精氣皆上注於目小兒體本挾熱將養過溫致府藏積蓄邪熱熏清肝經上衝於目始則赤痛若不即治蘊結變生障翳熱氣輕者生白翳如黍米大者如麻豆重者乃生兩三翳又甚則翳生白障侵遮瞳人滿目悉白遂致失明然障亦有輕者黑睛邊微有白膜來侵黑睛漸染散漫當急治之即免侵遮黑睛有瞽矇之患

治小兒熱毒氣盛翳膜侵睛兼赤眼疼痛翳人丸方

麩人湯浸去皮別

兔肝具一

梔子人

黃芩法黑

黃連法頰各升麻

決明子各參

細辛去苗葉一分

右八味搗羅為末鍊蜜丸如菜豆大每服三丸至五丸溫水下早晨日晚各一服更隨兒大小加減

治小兒風翳散漫侵瞳人及風疳眼惡實散方

惡實炒

木通剉

蒺藜子炒去兩各一兩

右三味搗羅為散每服半錢匕以水搗羊子肝汁調下早晨日晚各一服更量兒大小加減

治小兒眼赤或生翳膜或眼常合不開決明子散方

決明子

車前子

梔子人

防風去

黃連去頰各

右五味搗羅為散每服一字至半錢匕搗生豬肝投熱湯取汁調下早晨日晚各一服更量兒大小加減

治小兒肝受病目昏漸生翳膜散漫侵睛因此失明須內外治之龍膽飲方

龍膽

鈎藤

土瓜根

茯神去木各

甘草炙

桑根白皮炙

防風去一分

右七味粗搗篩每一錢匕水一盞入棗半枚去核同煎至六分去滓分作二服量兒大小加減早晚服

治小兒肝熱眼生翳膜或生血輪腫脹切宜急治車前子湯方

車前子 防風法 甘菊花 甘草炙 人參

薺實子 青箱子各參 梔子人 黃連去須各

右九味粗搗篩每服一錢匕水一盞入淡竹葉七片煎至五分去滓溫服日

三量兒大小加減

治小兒疳眼翳膜沙澀煮肝散方

黃連須 沙參 玄精石 決明子

右四味等分搗羅為散每半錢匕用羊子肝一片竹篔子切作縫子摻末在內線繫入沙罐子內垂掛勿令到底以米泔煮熟淡食羊肝每一片分作兩服或三服量兒大小與食

治小兒五歲已下肝藏熱毒目生丁翳黃芩湯方

黃芩去黑 升麻 甘草炙 姜各 玄參

犀角各

右六味粗搗篩每一錢匕水七分煎至四分去滓分溫二服量兒大小加減
日三四服

治小兒肝藏壅熱眼生瘡醫車前子丸方

車前子

甘菊花

芎藭

黃連須

當歸切焙各一分

大黃濕紙裹煨

黃芩去黑心各半分

右七味搗羅為末鍊蜜丸如菉豆大每服五七丸量兒大小加減煎桑枝湯下

治小兒風熱疳氣攻眼赤痛障醫撥雲膏方

桃人

杏人各四枚并去皮尖毀人

麩人

郁李人各五枚并去皮

右四味同生研細瀝入蜜龍腦麝香膩粉各少許再研極勻點之

治小兒因瀉痢日久眼生醫膜并疳眼退醫如聖散方

蛇蛻

兩條用紙燭燒灰研

穀精草一兩

蟬蛻去土一分

附子生去皮臍二錢

石決明一斤淨一分胡粉研四錢

右六味搗研為散每服一字半羊子肝一片批破摻末用麻皮線纏米泔煮

熟先熏眼後與食量大小加減如未能食研汁灌之

治小兒眼有障醫七八歲腫子未堅不宜點藥用蝕醫珊瑚散方

珊瑚兩

右一味細研如粉每點時取如黍米大內翳上日再點

治小兒目睛有膜白礬膏方

白礬熱令汁
盡一分

右一味以清水四合置熟銅器中煎取半合去滓入少許白蜜以綿濾過每

日三度點如黍米大

小兒目赤痛

論曰目者府藏之精華肝之外候也小兒藏府有熱與隔間疾飲相搏氣不宣
通熏漬於肝肝經受熱則血脉壅滯循經上衝於目故令目赤痛不即治熱甚
則生障翳

治小兒眼赤隱溢不開隔中有熱決明湯方

決明子炒

黃芩去黑心各
一兩一分

芫胡去苗

大黃研炒各
一兩半

升麻

石膏碎

梔子各一兩

甘草炙

枳殼去穢炒
各半兩

右九味粗擣篩每一錢匕水七分入竹葉五片同煎至四分去滓分溫二服
隨兒大小加減食後服

治小兒赤眼黃翳飲方

黃芩去黑心半兩 寒水石一兩 升麻

甘草一分 各

右四味粗搗篩每一錢匕水七分入竹葉五片同煎至四分去滓分温二服
食後臨卧隨兒大小加減

治小兒赤眼决明丸方

决明子 牛黃研

麩人等

右三味搗研為末鍊蜜丸如麻子大臨卧時乳汁下二丸隨兒大小加減如
熱痛不可忍者用豬膽汁丸立差

治小兒肝熱眼赤疼痛凉膈退熱白華散方

蛤粉水飛研

連翹

甘草剉

白藥子

白附子炮等

右五味搗研為散每服半錢匕用麥門冬蜜熟水調下量兒大小加減
治小兒目赤腫痛清肝散方

芍藥

防風去一分 各

大黃剉

羌活去蘆頭

甘草剉各

右五味搗羅為散每服一錢匕水半盞入燈心黑豆少許煎五七沸去滓食
後温服量兒大小加減

治小兒風熱眼赤痛敗毒湯方

大黃

劉碎
楚炒

甜消

研

甘草

采劉各
二兩

陳橘皮

去白焙
參兩

右四味粗搗篩每服一錢匕水七分入薄荷三葉煎至四分去滓食後量兒大小加減服無薄荷入乳香亦得

治小兒赤眼朴消膏點方

朴消

燒冷乾
一分

黃連

去須
參分

右二味搗為粗末綿裹以乳汁浸之點眼良

治小兒眼爛皆痒痛淚出不能視物風傷則痛黃連膏方

黃連

去須
參分

大銅錢

七文

白礬

燒灰
一分

右三味以水并白蜜各三合用銅器盛於飯上炊一次綿濾去滓貯瓷合內

點眼

治小兒眼赤痛不開洗眼生地黃湯方

生乾地黄

二兩

決明子

黃芩

法黑

竹葉

各一兩

芍藥

半兩

右五味細劉以水二升煮五六沸去滓澄清洗眼一日三次大人通用

治小兒赤眼黃蘗湯洗方

黃蘗去粗皮剉

秦皮各一兩剉

麩人去皮半兩

右三味粗搗篩每用兩匙頭以水一椀入乾棗三枚同煎三五沸去滓適寒

溫洗眼

治小兒目暴赤痛鉛丹丸洗眼方

鉛丹一兩再研

右一味用白沙蜜調如稀糊同入銀器內攪勻炒候鉛丹紫色可丸即丸如

皂子大每用一丸沸湯化乘熱淋洗

治小兒目赤澀痛漸生翳膜昏暗大黃丸方

大黃剉

鬱金

人參

黃連去須各二錢

右四味搗羅為末研鼠肝和丸如棗豆大每服三丸米泔下如食後服量兒

大小加減

小兒聾耳

百蟲入耳附

論曰腎氣通於耳心寄竅於耳疏通不窒則其聽為聰小兒心藏熱實貫衝耳脈開竅者塞結而為腫或生膿汁故謂之聾耳或因沐浴水入耳內停積不化亦為聾耳久不治則致聾聵

治小兒聾耳汁出不止礬石散方

白礬熟令枯 龍骨 鉛丹炒各半兩 麝香 竹蚰末各一

右五味同搗研細先用綿杖子拭乾耳內以藥少許糝之

治小兒聾耳出膿汁疼痛不可忍者竹蚰散方

竹蚰糞兩一 白礬熟令枯半兩 雄黃錢二 麝香字一

右四味同研勻細先用綿裹杖子拭乾耳中次以藥少許糝之

治小兒聾耳膿血塞耳赤石脂散方

赤石脂 白礬熟令枯 黃連須去 烏賊魚骨去甲各一分

右四味搗研為散每取少許綿裹塞耳中大人可用一錢匕一方無赤石脂

有龍骨

治小兒聾耳夜明沙散方

夜明沙錢二 麝香字一

右二味同研極細先以綿杖子拭去膿用藥半錢匕糝入耳中

治小兒聾耳出膿蠛蝟散方

桑蠛蝟須桑上者微炙末之

右一味入麝香少許同研先用物拭膿淨然後糝藥

治小兒耳聾膿出久不差者紅白散方

白礬熱令枯 染烟脂

右二味等分研為細末先以綿杖子纏去膿極乾用藥半錢七糝之不過三兩次

治小兒水入耳內膿出疼痛日夜不止如聖散方

箭筈內蚰末如有蟲子同研令細用參錢 膩粉 麝香各一錢研

右三味同研細先以綿杖子拭乾耳取藥三刻耳子深糝入耳以綿塞定如覺刺割即是惡物要出去綿側耳令出甚者三度差大人亦可用

治聾耳有膿水狼牙散方

狼牙 白斂 竹蛙屑各一

右三味搗研細每用少許糝耳內

治聾耳膿水不絕礬脂散方

白礬熱令枯 松脂 木香 花烟脂各一

右四味搗羅為散每用綿拭膿後滿耳填藥

治小兒聾耳汁方

黃連去須參分

龍骨半兩燒研

烏賊魚骨去甲一枚炙

右三味搗研為末麻油調少許日三四度點耳中

治小兒聾耳汁出漬外生瘡雄黃散方

雄黃研一兩

黃芩法黑

曾青研各半兩

右三味搗研為散以少許糝外瘡更用綿裹一大豆塞耳中日再換之

治小兒蚰蜒入耳胡麻枕耳方

胡麻不燭多少

右一味先熬後搗貯以葛囊枕之即出

治小兒飛蟲入耳雄黃油方

雄黃分

右一味研細以麻油調抹耳中

治小兒蟲入耳桃心塞耳方

桃心葉二葉燉

胡麻子炒一升

右二味先以桃葉塞耳中其蟲必出如不出以胡麻子炒令香以葛袋盛枕

頭耳中蟲自出

治蟻子入耳方

炙肉

右一味安在耳邊蟻子自出

又方

韭

右一味搗絞取汁滴耳中

又方

藍青

右一味搗絞取汁滴耳中

又方

葱

右一味取涎滴耳中

大德重校聖濟總錄卷第一百八十一

大德重校聖濟總錄卷第一百八十二

小兒門

小兒諸丹

論曰風熱發丹古方謂小兒得之最忌以其氣血未定肌膚柔脆無以勝悍毒故也是以諸丹不同其發無定處俗又謂之溜流走經絡散發肌表如塗丹之赤有法可鎌洩去毒氣不爾則丹毒入腹近心即死但初發於心頭者不可鎌爾治小兒丹毒赤腫壯熱百治不差者藍青湯方

乾藍青兩

凝水石碎

石膏研

山梔子各一兩半

羌胡去苗

犀角鎔

黃芩去心

杏仁湯浸去皮尖雙人炒

甘草剉

赤芍藥

羚羊角鎔

葛根剉各半兩

知母一兩

右一十三味粗搗篩每一錢匕水半盞煎至四分下蜜半錢竹瀝少許再煎至三分去滓空心日晚分溫二服更量大小加減

治小兒丹毒偏身黃芩湯方

黃芩去心

麻黃去根

秦艽去苗

升麻各一

大黃剉

防風去各半兩

右六味粗搗篩每一錢匕水七分煎至四分下朴消末半錢匕去滓空心分
温二服晚再服更量兒大小加減

治小兒丹毒黃耆湯方

黃耆剉

蒺藜子炒去角

黃芩法黑

大黃剉

甘草剉各一分

右五味粗搗篩每一錢匕水七分煎至四分下朴消末半錢匕去滓食前分

温二服更量兒大小加減

治小兒丹若入腹及下部陰卵百癩不差麻黃散方

麻黃節去根

升麻各半兩

消石研一兩

右三味搗羅為散每服半錢匕井華水調下空心日晚各一

治丹入腹澤蘭湯方

澤蘭

芎藭

附子炮裂去皮臍

莽草

藁本去苗土

細辛去苗葉

茵芋分

右七味剉如麻豆每一錢匕水七分煎至四分去滓分温二服空心日晚各一

治小兒丹毒防入腹甘草散方

甘草剉一分為末 油麻升半

右二味先取油麻去皮研細絞取汁一合調甘草末半錢匕服日再

治小兒丹毒青藍汁方

青藍汁合 竹瀝合

右二味和勻空心溫服一合日晚再服以差為度

治小兒丹數十種大黃搗湯方

大黃 甘草剉 當歸切 芍藥 白芷

獨活去蘆頭 黃芩去黑心 芍藥 升麻 沉香剉

木香 木蘭皮各半兩 芒消兩

右一十三味粗搗篩拌勻每用二兩以水六升煎至四升去滓以綿二片蘸之更互溫搗丹上冷即易日五七度即差

治小兒發丹毒熱痛吳藍湯搗方

吳藍 大黃 槐白皮 商陸 榆皮各二兩

右五味細剉每用三兩以水五升煎至四升去滓入朴消半兩攪勻以綿二片浸於湯中更互搗丹上日三五度即差

治小兒發丹毒麻根湯洗方

苧麻根剉參 小豆二

右二味都用水七升煎至四升去滓温洗丹上冷即再暖日三五度即差

治丹毒徧身絳色鯽魚塗方

生鯽魚參一頭 麻油二

右二味搗魚令細入油研勻塗丹上日三五度即差

治丹走行皮中浸廣者名丹火也入腹殺人蟻螬散塗方

乾蟻螬

右一味碾末油調塗之以差為度

治小兒野竈丹從膝起薺葉塗方

乾薺葉末

香蒿末

赤小豆末

生薊藿葉莖 細搗

右四味細研薊藿入諸藥末和調如糊塗丹乾即易之以差為度

治小兒胡吹竈丹從陰下起泥醋塗方

右用磨刀水棚下泥和醋調膏塗之乾即更塗以差為度

治小兒胡漏竈丹從臍中起伏龍肝塗方

伏龍肝

右一味用屋漏水去清取淀和調如糊塗之乾即再塗以差為度
治小兒神氣丹從項起犬骨灰塗方

犬枯骨

右一味為末以青羊脂調如糊塗之日三五次

治小兒飛竈丹從項起鐵槽水洗方

右取淬鐵槽中水日洗三五度

治小兒家火丹發如大指日長一寸偏著兩脇傍兩頰上梓木灰塗方

梓木白皮 蓼葉各一

右二味燒灰研末以雞子白調如糊塗之以差為度

治小兒煙火丹從身起豬槽泥塗方

豬槽下泥合生麻油兩

右二味和調如糊塗之以差為度

治小兒烟火丹從背上起或走兩臂足赤如火真珠塗方

真珠細研粉一兩慎火草研絞汁景天是也

右二味和調如糊塗之以差為度

治小兒神竈丹起兩額傍不出一日變為赤黑色慎火草汁塗方

慎火草

右一味絞取汁先以刀子微鎌丹上令血出塗藥以差為度

治小兒天竈火丹發尻間正赤流陰頭赤腫血出葱薺菘塗方

葱五莖和
須切研

薺菘五莖生者
和梗切研

赤小豆末

竈門上灰研各

右四味合研勻細以青羊脂三兩調勻塗之以差為度

治小兒地竈丹從陰下起入踝骨上廢塼塗方

廢竈塼末

屋四角茅燒灰各
一兩

右二味和研勻細以新汲水調如糊塗丹乾即易之以差為度

治小兒私竈丹從背上起竈土塗方

竈中黄土研

右一味取打鐵磨刀槽中水和調如糊塗丹乾即易以差為度

治小兒廢竈丹從兩脚赤及從臂曲上起五加灰塗方

五加葉根燒灰

右一味研為細末取打鐵磨刀槽中水調如糊塗丹乾即易之以差為度

治小兒鬼火丹發兩臂赤起如李子及從面上起戎鹽塗傳方

戎鹽分 附子一枚

右二味燒過研細用雄雞血調塗丹上日五徧以差為度

治小兒野火丹發徧身斑如梅李狀雌黃塗方

雌黃研 戎鹽研各一兩

右二味以雞子白調塗丹上日三五次以差為度

治小兒茱萸丹初從背起徧身如細纈一宿成瘡者雞子塗方

雞子白 赤小豆末

右二味和調如糊塗之以差為度一方云治水丹

治小兒螢火丹發灼灼在膈下正赤色而長初從額起而多痛伏龍肝塗方

伏龍肝研細 生麻油五合

右二味和研如糊塗傳乾即易之以差為度

治小兒五色丹蒴藿塗方

蒴藿葉

右一味爛搗塗傳丹上乾即易之以差為度

治小兒白丹豬通灰塗方

豬屎灰 雞子白

右二味調和如糊塗之以差為度

治小兒火丹走皮中發赤如火燒狀須臾燥發起醋鼓塗方

鼓

右一味研細入醋調塗丹上以差為度

又芭蕉塗方

芭蕉葉根

右一味取搗汁塗之以差為度

治小兒火丹熱如火透腰須急救之芸薹塗方

芸薹葉

右一味爛搗和汁塗傳之以差為度

又治火丹鉞挑方

右於兒男左女右大拇指面螺紋上鉞挑有筋斷之即差

治小兒火丹從兩脇下起青黑色羊脂塗方

煨鐵下槽中鐵屎研為末半兩羊脂二兩 豬糞燒灰一兩

右三味研勻如糊塗之以差為度

治小兒骨火丹初在臂起赤黑色二蒜塗方

大蒜 小蒜各一兩

右二味爛搗厚塗傅之以差為度

治小兒尿竈火丹發膝下從兩股起及臍間走入陰頭桑木根洗方

桑木根兩

右一味細剉以水五升煎至三升去滓溫洗日五七度即差

治小兒尿竈丹從踝及脛起茅灰塗方

茅草屋四角者取燒灰研 雞子白

右二味和調如糊塗之以差為度

治小兒朱田火丹先發背偏身一日一夜而成瘡棘根湯洗方

棘根剉碎半斤

右一味以水五升煎至三升去滓溫洗丹上三五度即差

治小兒赤丹色純赤為熱毒搏於氣血馬齒莧汁方

馬齒莧

右一味爛搗絞取汁三合空心温服一合午晚再服即差

治小兒丹毒赤腫壯熱百醫不差者藍青煎方

藍青切

竹瀝各一

生葛根汁

澄清四合蜜升二

寒水石研四

石膏

研參兩

山梔子二兩

一分知母兩半

苡胡法

犀角鎊

黃芩

法黑心

杏仁

去皮尖雙入炒

赤芍藥

羚羊角研

甘草

炙剉各一兩一分

右一十五味除研藥并汁外以水五升并竹瀝先煎去滓取三升次內

杏仁葛汁及蜜微火煎成煎每服半合至一合米飲化下日三

治小兒月內發丹升麻黃芩湯方

升麻

黃芩法黑心

犀角鎊

大黃炒

苡胡法

山梔子

略半兩

藍葉切二合

石膏分參

甘草炙剉一分

右九味粗搗篩每二錢匕水一盞煎至半盞去滓食後分温二服更量大小

加減

小兒遊腫赤痛

論曰小兒遊腫由風熱客於經絡隨氣行移流走肌膚致赤腫疼痛治法當內

服藥以滌其蘊熱外傳劑以散其焮痛則遊腫自消

治小兒風熱遊腫色赤犀角飲方

犀角鎊

黃芩法黑

升麻

山梔子人

黃耆剉

牛黃研

防己各一分

朴消鎊

右八味除牛黃外粗搗篩每二錢七以水一盞煎取六分去滓下牛黃一大豆許分作二服早晨日晚各一隨兒大小以意加減

治小兒遊腫豬脂膏方

豬脂四合

附子生去皮臍

蜀椒生去目開口

食鹽研分

右四味搗研三味為末入脂內熬過候冷塗之以差為度

治小兒頭及體赤遊毒腫痛升麻膏方

升麻兩

犀角鎊

射干

黃芩法黑

梔子人

玄參各一分

芍藥

大黃

藍寶

羚羊角鎊各一兩

大青兩半

生乾地黄兩二分

右一十二味細剉以豬脂二斤半入鑊中於慢火上熬不佳手攪煎成膏去

滓瓷器中盛取摩腫處差不拘多少

治小兒風熱赤遊腫枯樓散方

枯樓劉

右一味搗羅為散以醎醋和塗之

治小兒赤遊腫行流於體若不急治入腹即死白豆散塗方

右取白豆末水和塗之勿令乾差

治小兒赤遊腫漸漸長引不止塗傳方

牛膝劉

甘草

劉各兩

右二味搗羅為散每用二錢匕以水一盞煎至六分去滓調竈下黃土和塗

之乾即易

治小兒風熱赤遊腫方

右以麥麩末水和塗之

又方

右取伏龍肝和雞子白塗之乾即易

小兒癰瘡

論曰經謂六府不和則留結為癰蓋小兒榮衛否滯不得通利逆於肉理致肌

肉腫結皮薄而澤是癰之狀也癰既不得內消則膿潰穿穴而成瘡故謂癰瘡也
治小兒癰腫成瘡犀角湯方

犀角屑 姜糖 升麻 甘草 麥門冬焙心

赤芍藥 薤芩 玄參各半兩

右八味粗搗篩每服一錢匕水半盞煎至四分更入消石末一字匕再煎鎔
去滓溫服量兒大小加減

治小兒癰瘡藏府壅熱心神煩躁大小便不利大黃湯方

大黃炒 升麻 梔子人 朴消研 枳殼去瓢炒

黃耆剉各半兩

右六味粗搗篩每服一錢匕水七分煎四分去滓溫服量兒大小加減

治小兒癰瘡煩熱疼痛黃芩湯方

黃芩法黑心 梔子人 玄參 升麻 大黃炒

黃耆剉 連翹 藍葉 甘草 木香

芎藭 犀角屑各半兩

右一十二味粗搗篩每服一錢匕水半盞煎三分去滓溫服量兒大小加減

治小兒癰瘡腫痛益母草飲方

生益母草不拘多少洗剉

右一味搗取汁每取三二分服之更量大小加減以滓傅癰上乾則易

治小兒一切癰腫毒諸風熱神驗黃蘗散方

黃蘗去粗皮蜜炙

鬱金各一兩

陳橘皮湯浸去白炒

人參

葛根剉各半兩

右五味搗羅為散用溫水調下半錢七量兒大小加減日三兩服

治小兒癰瘡腫痛方

右取豬腦塗紙上貼之乾即易日數徧

又方

右用芥子爛研水和塗紙上貼之

又方

右用馬齒莧搗傅之

又方

右以地龍糞新汲水調塗之

又方

右用薑石末和蒜搗封上

又方

右用馬鞭草搗傅之即消

又方

右以芸薹菜搗塗之

治小兒癰有膿令潰方

右取雞羽毛七枝燒末服之即潰

又方

右用人乳和麩封上至晚膿血出盡

小兒疽瘡

論曰小兒因五藏不和寒邪壅滯榮衛閉塞逆於膚肉遂生疽腫其狀腫結皮強上如牛領然疼焮堅靱深附筋骨既得膿後其疽可愈更須用排膿換肌之藥若餘毒未去封斂稍疾則源流復至或痒或痛肌汁不斷瘡竅不得合矣
治小兒熱毒癰疽赤白諸丹毒熱瘡癰漏蘆湯方

漏蘆頭

去蘆

連翹

白斂

芒消

甘草

炙

升麻

麻黃去根節湯煮掠去沫

黃芩去黑心

枳實麩炒黃各一分 大黃劉炒一兩

右一十味粗擣篩每二錢匕水一盞煎至五分去滓分溫二服量大小加減

治小兒熱毒腫色白或惡核瘰癧附骨癰疽節解不舉白丹走偏身中胗癢五

香連翹湯方

木香

薰陸香

沉香劉

雞舌香

黃芩去黑心

麻黃去根節湯煮掠去沫

麝香研各一分

連翹

海藻洗去鹹焙

射干

升麻

枳實去瓢麩炒各半兩

大黃劉炒二兩

右一十三味粗擣篩每二錢匕水七分煎至四分去滓入竹瀝一合更煎一

兩沸分溫二服量大小加減

治小兒癰疽瘡癤腫毒黃耆湯方

黃耆劉

連翹

升麻

惡實炒各半兩

玄參

丹參

露蜂房炙

枳殼去瓢麩炒

甘草炙各一分

右九味粗擣篩每服一錢匕水七分煎至四分去滓食後臨臥溫服量大小

加減

治小兒疽瘡藍葉湯方

吳藍葉

犀角鎊

升麻

黃耆剉

山梔子人

連翹

甘草炙各

黃芩法黑

大青

玄參各一

大黃剉炒

右一十一味粗搗篩每服一錢匕水七分煎至四分去滓食後臨卧温服量

免大小加減

治小兒痘瘡木通湯方

木通剉

升麻

赤芍藥

黃芩法黑

山梔子人

麥門冬去心焙各二分犀角鎊

大黃剉炒各一兩枳殼去穢炒

右九味粗搗篩每二錢匕水一盞入生地黄汁半合同煎至七分去滓分温

二服食後臨卧服量大小加減

治小兒瘡腫癰疽黃耆湯方

黃耆剉

葛根剉

麥門冬去心焙黃芩法黑

犀角鎊

升麻

甘草炙各一兩

木香半兩

右八味粗搗篩每服一錢匕水七分煎至四分去滓食後服量大小加減

治小兒癰疽犀角知母湯方

犀角 鎊

知母 焙

黃耆 剉

黃芩 法黑

人參

丹參

葛根 剉

大黃 炒

甘草 炙 略

玄參 分

麥門冬 去心 焙 一兩半

右一十一味粗擣篩每服一錢匕水半盞入生地黄汁半合同煎至四分去

滓食後臨臥溫服量大小加減

治小兒癰疽疔毒未破或膿未潰憎寒壯熱五香丸方

木香 分

沉香 剉

蘇合香 研各 麝香 分

犀角 鎊 二兩

大黃 兩半

雞舌香 研

吳藍葉

梔子 人

熟乾地黄 兩

白芍藥 兩

人參 一兩 去蘆頭

白茯苓 兩

右一十三味搗羅為末鍊蜜和丸如梧桐子大每服二十九丸煎黃耆湯下食

前服

又方

乾蝦蟇 醬

右一味燒灰細研以豬脂和傅之

又方

敗鼓皮不以多燒灰

右一味細研以豬脂和傅之

小兒瘰癧結核

論曰小兒身生熱瘡久不差者必生瘰癧其狀作結核在皮肉間三兩箇相連瘰癧也是風邪搏於血氣凝結所生也

治小兒瘰癧焮腫疼痛身體壯熱大腸壅滯小便赤澀心神煩躁少得眠臥犀角散方

犀角一兩 鎊屑

惡實一兩

連翹二兩

麝香研一兩

木通剉炒一兩

玄參二兩

沉香剉一兩半

丁香半一兩

朴消一兩

右九味粗搗篩每二錢匕以水一盞煎至六分去滓分溫三服早晨日午晚後各一以利為度更量兒大小以意加減

治小兒頸生瘰癧榆白皮傅方

右以榆白皮爛搗如泥封頸上頻易

治小兒瘰癧鉛丹塗方

鉛丹兩

右以銚子熬當有脚如黑灰取脚不計多少更研如粉用面脂調塗以故帛貼數拭患處有惡汁出拭却更貼半月差內消不作瘡極効

治小兒瘰癧連綴如梅李核狀硃砂丸方

硃砂

砒黃各一

右二味研如粉用糯米飯為劑搥如小麥粒大有患者即烙破內一丸五日一換後用生肌膏

治小兒瘰癧生肌膏方

鉛丹兩半

杏仁湯浸去皮尖

蛇蛻皮炒焦

頭髮如胡桃大一團

菜子油斤半

皂莢去黑皮并

右七味先擣杏仁蛇皮皂莢如粉與諸藥於銚子中煎以柳篋子不住手攪成膏但有瘡塗貼日換無不差者

治小兒瘰癧結核久不差追毒斑猫膏方

斑猫二枚去頭燂足及頭燂

巴豆二十枚去皮心漿水煮

松脂炒

右三味先研二味為粉次入松脂鎔化攪令勻更擣一二百杵作餅熱貼在瘰癧上藥力盡別換以差為度

治小兒腦熱結瘰癧連兩耳下腫痛身體寒熱坐卧不安食飲不下立參膏方

立參

紫葛

黃蘗子

大黃剉炒

木香

卷栢

芒消

紫檀香略一兩

右八味搗羅為細末以雞子白調和稀稠得所塗於瘡上瘡腫破時則去芒

消塗之

治小兒瘰癧結核寒熱防風丸方

防風頭蘆

連翹

桑根白皮剉牡丹皮

白頭翁

黃蘗法粗皮

豉炒令

獨活頭蘆

秦艽去苗土海藻洗去鹹

右一十味搗羅為細末鍊蜜丸如麻子大每服三丸米飲下早晨日晚各一

服更量免大小加減

治小兒瘰癧麝香散方

麝香研一分

鵝糞炒參編

右二味再同研如粉每服半錢七酒調下日二服早晨晚後各一更量免大

小加減

治小兒熱毒風腫瘰癧內消赤小豆散方

赤小豆炒

豬牙皂莢皮并子

黃藥子

消石

大黃炒

木鼈子去殼各兩

右六味搗為散每用量瘡大小以不語津唾調塗乾即易以差為度

小兒惡瘡

論曰小兒氣血純陽肌肉柔脆風毒邪熱易以致傷若榮氣不從逆於肉理結成悍毒疼痛腫焮非常故名惡瘡其候或痒或痛或赤根隱肉靛不作膿或穿穴作膿久不得差治法隨內外證療之則瘡可愈

治小兒惡瘡鉛丹膏方

鉛丹兩

風化石灰

豬脂各一

右三味將二味同研細以豬脂揅作餅火燒通赤如此五度藥成搗羅為末濕瘡乾貼如乾瘡即作膏用豬脂調紙上貼

治小兒惡瘡大黃湯洗方

大黃生

黃連須

黃芩法黑

澤蘭

白礬枯

石南各一兩

戎鹽分

蛇床子炒參合

右八味粗搗篩每以二兩用水三升煮取二升去滓適寒溫以綿絮內湯中

蕪洗之日三

治小兒惡瘡茵芋湯浴方

茵芋

一兩

甘草

剉

苦參

各參兩

細辛

去苗葉

黃連

去須各兩

蕪人

二十枚 去皮

右六味粗搗篩每以三兩用水五升浸汁煮取三升去滓浴兒逐日用

治小兒惡瘡偏身如麻豆狀包裏膿汁乍痛乍痒甘草散方

甘草

剉生用

芍藥

黃芩

法黑心

白斂

剉

黃連

須法

黃蘗

去粗皮剉 各半兩

右六味搗羅為細散用白蜜和塗於瘡上日再亦可作湯浴之

治小兒惡瘡久所不能識者胡粉散方

胡粉

炒令黃 色五兩

黃蘗

去粗皮剉 各參兩

右三味搗羅二味為散與胡粉相和一處研勻傅瘡上日再立驗

又方

豆豉

炒黃 一合

右一味搗羅為末傅瘡上

又方

蝦蟇一枚
燒灰

右一味搗羅為細散入麝香一分一處同研勻乾傅瘡上

又方

柳枝葉對握

右一味用水五升煮至三升去滓入鹽少許淋洗瘡上

治小兒頭上惡瘡黃粉膏方

胡粉

黃連末酪一

水銀分

糯米二粒研

赤小豆十四粒和

黃連搗

右五味先將水銀於手掌中唾研化後即以麻油調藥入水銀和勻塗瘡上

小兒凍爛瘡

論曰小兒肌肉柔脆外邪易侵故風寒搏於肌肉凝於氣血則致皴裂久而生瘡或痒或痛其狀焮腫破出膿汁多在兩耳或手足間故謂之凍爛瘡

治小兒凍瘡蜀椒湯方

蜀椒去目并閉口炒出汗

鹽各二兩

右二味以清酒五升煎至二升數數釀之其藥可五六月用

治小兒凍足爛瘡附子散方

附子生剉二枚 乾薑炮二兩

右二味搗羅為散入綿中裝鞞如有瘡膿即調臘月豬脂塗之

治小兒凍耳成瘡或痒或痛黃蘗散塗方

黃蘗去粗皮炙對 白斂各半兩

右二味搗羅為散先用湯洗瘡後以生麻油調塗之

治小兒凍脚或痒或痛小麥湯方

小麥升 穰草麥握對

右二味用醋一升水二升同煮至二升去滓放溫洗足

治小兒凍手皴折痛白斂散方

白斂二分 白及兩 生麻油二合生

右三味將白斂白及同搗羅為散與油同研勻更入炊菜菹一枚爛研以酒

調如糊先以童子小便洗手後塗手上

治小兒凍耳并手面皴痛積豬脰膏方

積豬脰具一

右一味研如膏入漿水少許候稀稠得所先用童子小便洗手面後以匙抄少許勻塗手面上

治小兒凍瘡手足指欲墮及耳欲落柏葉膏方

柏葉

炙乾為末參兩

杏仁

二十枚湯浸去皮尖別搗如膏

麻油

兩

頭髮

一團如雞子大

鹽

研一分

乳香

研半分

蠟

兩半

右七味先煎油蠟沸即下諸藥以髮消為度攪勻貯瓷器中每用先以小便洗瘡綿纏手指裏乾厚塗膏即以軟帛裹之如脚指相淹處尤須多用膏裹帛紗厚以綿裹勿令寒氣得入每兩日一洗瘡換藥稍愈後三四日一換

小兒疥

論曰小兒瘡疥率因於螻蟲變化而生小兒多此疾仍喜生于手足指縫間浸淫偏體近暖及衣服過厚則痒悶不任搔之黃汁出疼痛不止蓋由風熱客於脾肺散於肌肉熏發皮膚使然也

治小兒風熱肺疳皮膚生疥鼻內瘡痒苦參丸方

苦參末

四兩以酒參升熬成膏

胡黃連

分一兩

棟實

去皮炒

蕪荑

炒

蜈蚣

去翅去火

木香

各二兩

右七味搗羅六味為末入苦參膏內和擣千杵如靛入蜜少許和丸如麻子
大一二歲兒每服五丸食後溫水下更量兒大小加減

治小兒瘡疥三黃散塗方

黃連去粗類

黃蘗去粗皮炙

臭黃研

赤小豆各二兩

水銀半兩研

右五味將黃連黃蘗赤小豆三味擣羅為散與水銀臭黃同研勻細旋取油

調塗瘡上

治小兒瘡疥體熱黃連散塗方

黃連去粗類

黃蘗去粗皮炙

秫米炒各一兩

赤小豆

膩粉研各一分

右五味搗研為散油調塗舊帛上先洗去瘡痂封之

又方

黃連去粗類

糯米粉各二兩

水銀壹兩

胡粉炒研一兩

吳茱萸湯浸炒為末

赤小豆為末各一分

右六味先以水銀和津於手中研如泥次以豬脂四兩入瓷器內慢火化去

滓下五味藥末攪勻成膏先洗瘡拭乾塗之

治小兒瘡疥蛇床子散方

蛇牀子

吳茱萸湯浸燂硫黃研

蕪荑人研各膩粉少許

右五味搗研為散用油一合入葱一莖同煎候葱黃色停冷調藥塗之

治小兒頭面瘡疥癬大麻子塗方

大麻子五

右一味搗末水和絞汁塗瘡上

小兒癬

論曰小兒體有風熱脾肺不利或濕邪搏於皮膚壅滯血氣皮膚頑厚則變諸癬或斜或圓漸漸長大得寒則稍減暖則痒悶搔之即黃汁出又或在面上皮如甲錯乾燥謂之癩癬此由飲乳乳汁清著乃生復以乳汁洗之即差

治小兒癩癬風痒雌黃膏方

雌黃研

黃連須去

莽草

蛇牀子炒

黃蘗去粗皮

苦參

蕪荑炒各半兩

藜蘆

消石研各一分

松脂半兩

杏人

湯浸去皮尖雙入別研如膏一兩

右一十一味除雌黃松脂杏人外搗羅為末取臘月豬脂半斤和松脂入鐺

中煎令沸下杏人次下諸藥末攪勻凝為膏每用先以醋泔洗拭乾塗之日三

治小兒癬疥赤腫及濕癬久不差黃連膏方

黃連去粗皮

黃蘗去粗皮

蛇牀子炒

藺茹

礬石火煨別研

水銀

如手內唾研各一兩如泥入膏中

右六味搗羅前四味為末以臘月豬脂四兩同入銚子內煎四五沸下礬石末又煎三兩沸取下良久下水銀攪如稀泥候冷先以清泔皂莢湯洗拭乾

以火災痒塗之日三

治小兒一切瘡癬痒痛不止桑螵蛸散方

桑螵蛸十枚燒存二分性

膩粉錢一

麝香錢半

右三味研為細散生油脚調雞翎掃候乾有裂處再掃

治小兒濕癬附子散方

附子生去皮臍

雄黃研

白礬燒灰

吳茱萸湯浸炒各一分

米粉兩

右五味搗研羅為散每日三次用綿搥撲之

治小兒諸癬及痒痒蛇牀子散方

蛇牀子炒二兩

右一味搗羅為散以豬白膏和傅之

又方

羊蹄根搗取汁

右一味以蜜和勻先刮瘡四邊以藥塗之半日許拭去更以陳米醋和羊蹄根滓傳癬上

又方

槐白皮五兩

右一味以水一升煎三五沸候冷數洗之

治小兒乾濕癬雄黃散方

雄黃麝香各一分

右二味細研為散甲煎油調塗之乾再上

治小兒濕癬枸杞根散方

枸杞根兩

右一味搗羅為散和臘月豬脂傳之

又方

桃枝青皮二兩

右一味搗羅為散醋和傳之

小兒風瘙癢

論曰小兒風瘙癢疹者由風邪客於腠理搏於榮衛傳而為熱熏散肌肉溢於皮膚變生癢疹狀如痞癩乍差乍發痒癢不時搔之血出其痒不已故名風瘙癢疹赤疹者熱白疹者寒治法不可不察

治小兒肺風瘙痒癢疹疥癬五參散方

人參

紫參

白附子

炮裂各二分

栝樓根

剉

天麻

各半兩

玄參

沙麻

剉各一兩

丹參

分

右八味同搗為散五十日至百日兒每服一字二百日至一歲兒每服一字半爛汁調下二歲至三歲每服半錢七煎薄荷金銀湯或棗湯調下空心午後各一服如乳母服每服一錢七温酒調下

治小兒風疹壯熱心躁黃耆湯方

黃耆

剉 白鮮皮

剉 防風

去一分

枳殼

去穢

黃芩

法黑

甘草

一分

右六味粗搗篩每服一錢七水一盞煎至五分去滓温服食後臨臥各一

治小兒癢疹風痒防風湯方

防風去 白茯苓去黑皮 升麻 貝母去心 蒺藜子炒去角 大黃炒 甘草炙 各

右七味粗搗篩每服一錢匕水七分煎至四分去滓溫服食後日二

治小兒風胗皮膚腫積實湯方

枳實去瓢炒 芍藥分

右二味粗搗篩每一錢匕水半盞煎至三分去滓入清酒半合更煎三五沸

分溫二服空心午間晚後各一更量大小加減

治小兒風胗石南湯方

石南葉把 蜀椒炒出汗半兩

右二味以水二盞煎取一盞半去滓下消石白礬各半兩攪令消以綿搵塗

於胗處乾即易

治小兒癭胗莽草湯方

莽草 防風去 附子炮裂去皮臍 牡蠣煨過各一兩

右四味粗搗篩以水一斗煮取七升去滓通寒溫浴避風

治小兒風胗出不止塗傅方

白礬熬 汁枯

右一味研為末酒調用雞翎掃塗臍上

又方

景天一兩一分 大草是也

藍參兩

右二味同搗研絞取汁以熟手摩塗之日再

治小兒風疹壯熱心躁犀角湯方

犀角鎊

升麻

麥門冬去心 蒺藜子炒去角 甘草炙 各一分

右五味吹咀如麻豆大每服二錢匕水一盞煎至五分去滓食後溫服更量

歲數加減

小兒癩疔

論曰小兒陰核氣結腫大者癩疔也由稟受之初肝經虛弱因啼怒氤氣氣脉下墜擊於陰器則筋脉緩縱結聚不散是為癩疔也若氣偏虛則其腫亦偏蓋足厥陰肝之經環陰器抵少腹是動則為癩疔少腹痛之疾

治小兒氣癩土瓜根湯方

土瓜根

當歸切

芍藥各半兩

右三味粗搗篩一二歲兒每一錢匕水半盞煎至三分去滓分溫二服空心

日晚再服量免大小加減

治小兒癩疔薏苡人散方

薏苡人 芍藥 土瓜根 蛇床子微炒 黃芩去黑

桔梗炒 蛇含各參分

右七味搗羅為散一二歲兒每服半錢七空心温酒調下日午晚後再服量

大小加減

治小兒陰癩狐陰丸方

狐陰一具 蜚生蟲十四枚 桂去粗皮 附子炮裂去皮臍 乾薑炮

蒺藜子炒去角 細辛去苗各參分 桃人湯浸去皮炙 卷柏各一兩半

右九味搗研為末鍊蜜和丸如麻子大一二歲兒米飲下五丸空心日晚各

一服量大小加減

治小兒陰癩氣疔發作有時芍藥丸方

芍藥 大黃剉炒各半兩 赤茯苓去黑皮 半夏湯洗去滑 桂去粗皮

蜀椒去目及閉口炒出汗各參分

右六味搗羅為末鍊蜜和丸如菜豆大三四歲兒食前米飲下五丸日三服

量兒大小加減

治小兒陰疝偏腫牡丹丸方

牡丹皮

豉炒

防風去

黃蘗

去粗皮 微炙

滑石研

桂去粗皮 各一分

右六味搗羅為末鍊蜜和丸如麻子大一二歲兒每服五丸米飲下早晨日

晚各一服量兒大小加減

治小兒陰癩韭子丸方

韭子

炒參 兩半

附子

炮裂去皮 臍參分

狐陰

一具 炙黃

右三味搗羅為末鍊蜜和丸如麻子大一二歲兒每服五丸米飲下早晨夜

臥各一服量兒大小加減

治小兒陰癩腫硬桂心散方

桂心

兩半

地膚子

兩

白木

兩

右三味搗羅為細末三歲兒每服以溫酒調下半錢七日三服量兒大小以

意加減

治小兒癩疔攻注連腎外囊腫脹或疼痛偏墜昆布丸方

昆布

參分洗去鹹味

藁香子

半兩微炒

木香

甘草

赤微

黃蘗

剉

丁香

爛牡蠣用

銅青以上各一分

右八味搗羅為末用熟棗肉為丸如麻子大每一二歲兒煎甘草湯下三九量兒大小以意加減

治小兒癩疔腫痛方

枳殼參兩微炒

右一味搗為散每用柏枝煎膿汁調厚塗兒囊腫處妙

治小兒癩不消白蒺藜散方

白蒺藜

半兩微炒去刺

香豉

半兩微炒

鼠婦

蝨蟲微炙

川大黃

剉微炒

桂心

細辛以上各一分

右七味搗羅為細散一二歲兒每服以溫酒調下半錢七早晨晚後各一服

量兒大小以意加減

治小兒陰癩日夜疼痛桃仁丸方

桃仁

三分湯浸去皮尖雙仁微炒

川大黃

半兩剉微炒

赤芍藥

兩半

防葵

兩半

半夏

一分浸洗七遍去滑

桂心

兩一

赤茯苓

兩半

川椒

一分去目開口微炒去汗

右八味搗羅為末鍊蜜和丸如菘豆大每三歲兒食前以温酒下五丸看兒大小虛實以意加減

又方

蝟皮一團燒存性

右一味研細臨卧熱酒調下一錢匕

治小兒癩疔及少陰受邪冷氣滯正氣散丸

京三稜一枚三分緊小者猛大炮令中存性紙裏一重淨土埋一宿

右一味搗羅為散每服一字匕煨葱米飲調下不拘時候

治小兒癩疔蓖麻丸方

蓖麻人參十枚 棘剛子去皮二枚 石燕子燒一枚 滑石末二錢匕 麝香研半錢匕

右五味搗研勻稀麩糊和丸如菘豆大每服十五丸空心煎燈心湯下一服

即消

治小兒癩疔發作疼痛木通散方

木通劉 膽礬研各一分

右二味搗研為散每服半錢匕米飲調下

治小兒癩疔腫鞭疼痛滑石丸方

滑石碎

澤蘭各二錢

粉霜錢

續隨子去皮半兩

右四味搗研為末白麩糊和丸如菜豆大五歲以下每服五丸五歲以上七丸豆蔻酒下空心臨臥服

治小兒陰癩偏大白頭翁根傳方

右取生白頭翁根搗隨偏腫處傳一宿當作瘡二十日愈

治小兒陰癩莧菜根傳方

右取莧菜根搗碎傳之立差馬鞭草傳亦佳

治小兒陰核氣結腫大或偏腫疼痛漆燕散方

漆燕

一枚入瓦瓶子內用鹽泥固濟陰乾炭火燒令通赤為度取出研令細

續隨子去皮一分

右二味搗研為細散每服半錢匕米飲調下

治小兒肝經虛弱筋脉緩縱氣脉下墜陰器腫大久成癩疔三應散方

藁香蟲

研汁膩粉七錢

胡黃連分一

右三味同研令乾每服一字匕陳米飲調下不拘時

大德重校聖濟總錄卷第一百八十二